



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCCXLVII. Christus hortatur ad Doctrinam & Perfectionem  
Evangelicam.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

vifionis & auditionis Beatitudinem participare desideras, memento, quàm multa, & præclara Virtutum Christi Ectypa videris, & adhuc videas, præsertim in Statu Religioso, & quàm multa auditu perperis: quæ si opere exequaris, in hac, & in altera Vita Beatus eris.

*Annotatio.*

Hucusque series Evangelicæ Historiæ creditur esse certa. Sequens verò est solummodo probabilis.

MEDITATIO CCCXLVIII

*Christus hortatur ad Doctrinam  
& Perfectionem Evangelicam.*

Matth. 11. v. 25.

PUNCTUM I. *In illo tempore respondens IESVS discipulis* (S. Lucas c. 10. v. 21. ait: *in ipsa hora, quâ scilicet electi septuaginta duo Discipuli ad Christum ex Predicatione reversi sunt*) *Confiteor tibi Pater, Domine Cæli & Terræ, quia abscondisti hæc à Sapientibus, & prudentibus* (qui scilicet Mundo, & sibi per superbiam tales videbantur) *& revelasti ea parvulis. Ita Pater, quoniam sic fuit placitum ante te.* Matth. 11. v. 25. *Ecce! Pater Cælestis laudatur à Christo, non tantum, quia Divina Mysteria revelavit parvulis, scilicet humilibus Apostolis, & plebeijs hominibus; sed etiam, quia eadem abscondit à superbis sapientibus, & prudentibus. Sic etiam B. Virgo in Cantico Magnificat Luc. 1. v. 52. laudat DEVM, quia Deposuit potentes de sede, & exaltavit Humiles. Semper enim DEVS superbis resistit; Humilibus*

libus autem dat Gratiā. 1. Pet. 5. v. 5. & Jacobi 4. v. 6. Concinit etiam Psalmista Ps. 135. v. 6. *DEVS Humilia respicit, & alta à longè cognoscit.* Et Christus ipse Luc. 18. v. 14. testatur: *Qui se exaltat, humiliabitur; & qui se humiliat, exaltabitur.* Hinc cognosce, quantum Divinis favoribus obsit superbia, ac profit Humilitas; & quomodo DEVS in hoc ipso laudandus sit, quoniam sic fuit placitum ante ipsum, cum superbis & Humilibus inæqualiter agere. Specialem autem rationem dat Christus Matth. loc. cit. v. 27. cur superbis Divina Myſteria de se, & de Patre suo Cælesti sint abscondita: quia, inquit, *Nemo novit Filium, nisi Pater, neque Patrem quis novit, nisi Filius, & cui voluerit Filius revelare.* Id est; Nihil valet sapientia & prudentia humana ad cognoscendum Objecta Divina & Supernaturalia; ideo S. Paulus 2. Cor. 3. v. 5. scribit: *Quòd non sufficientes simus cogitare aliquid à nobis, quasi ex nobis: sed sufficientia nostra ex DEO est.* Hanc itaque insufficientiam proprii Intellectus quia superbi non agnoscunt, ideo relinquuntur in sua ignorantia: contra Humilibus, & de se non alta sapientibus revelantur Divina Myſteria. Attende, ne superbia etiam tibi causa sit, ut rariùs Divinas Illustrationes accipias, & Divina sine gustu & fructu mediteris.

PUNCT. II. Ut Christus paratum se ostendat, quòd velit Cælestia Myſteria revelare, & in suam Disciplinam omnes hactenus Mundo & peccatis servientes recipere, his verbis illos invitat Matth. 11. v. 28. *Venite ad me omnes, qui laboratis ( quibuscunque animi morbis ) & onerati estis ( quantalibet gravitate & onere peccatorum ; vel qui labores & onera pro servitute peccati & Mundi sustinetis ) & Ego reficiam vos.*

T 5

(perdi

(perditas & fractas vires reparando medicamentis  
& Solatijs Spiritualibus, leviùsque jugum vobis im-  
ponendo) *Tollite Jugum meum super vos* (Legem & Di-  
sciplinam Evangelicam) *Jugum enim meum suave est, & onus meum leve.* Peccatores enim & mundani homines  
gravissimam servitutem serviunt pro fallacibus di-  
vitijs, ac transitorijs voluptatibus; & pro his maxi-  
mas molestias, ac Conscientiæ remorsus subeunt; Legem  
autem Evangelicam, & Studium Perfectionis Christia-  
næ Jugum quidem appellatur & onus; sed per auxi-  
lia Gratiæ, Quietem animi, & Solatia Spiritualia fit  
Suave & leve. Compara itaque inter se Jugum  
Christi, & Jugum, quod Diabolus ac Mundus Servis  
suis imponunt, & videbis, istos longè graviora pati  
sine vero gaudio, lucro aut præmio; imò cum magno  
suo damno & interitu.

PUNCT. III. *Et discite à me: quia Mitis sum, & Humilis corde: & invenietis requiem Animabus vestris.* Matth. 11. v. 29. Hæ duæ Virtutes, quando ex corde procedunt, experienciâ docent, quàm suave sit Jugum Christi, & leve onus, & quanta animus quiete ex illis perfruatur. Vicissim expende, quas animi acerbitates, tristitias, turbationes &c. patiantur iracundi, & superbi.

## MEDITATIO CCCXLIX.

*Christus Legisperito se tentanti  
respondet. Luc. 10. v. 25.*

PUNCTUM I. *Et ecce quidam Legisperitus surrexit, tentans illum, & dicens: Magister, quid faciendo Vitam*  
(Æternam